

青天何蕩蕩萬象無不容頑然一塊土有井便泉通唳莫言

二物大乃在虛空內更於何處著虛空原來不出吾身外無空

也車空能載器空能盛室空能居此言天地之空之用推而大之也又言不出吾身外者心也歛而小之也

五色章第十二

五色令人目盲五音令人耳聾五味令人口爽馳騁田獵令人心發狂難得之貨令人行妨是以聖人爲腹不爲目故去彼取此

有形爲我累而況目耳口虛心與實腹所以明去取唳此是人人入道途歛華就實著工夫何時飽飯渾無事內外俱忘彼此殊

道藏輯要

道德真經平句訓頌

五

心集五

寵辱章第十三

寵辱若驚貴大患若身何爲寵辱寵爲上辱爲下得之若驚失之若驚是謂寵辱若驚何爲貴大患若身吾所以有大患者爲吾有身及吾無身吾有何患故貴以身爲天下若可寄天下愛以身爲天下若可托天下

寵爲辱之先貴乃患之大視之何用驚此身亦爲外可與知者道所以自貴愛天下一籟廬寄托或有在唳此言有身患之的天下於吾又何益若吾身在已忘吾許子風瓢從浙瀝

近而求之吾身貴矣身外者不足係焉卽身求之吾與身固爲二而身乃吾病矣許子能忘天下於風瓢動心焉是猶未能忘身也是猶未能忘身也其視吾喪我之南郭子綦又何如哉